

# 瓜洋序報

訓曰朱子云讀書之法當循序而有常致一而不懈從容乎句讀文義之閒而體驗乎操存踐履之實然後心靜理明漸見意味不然則雖廣求博取日誦五車亦奚益於學哉此言乃讀書之至要也人之讀書本欲存諸心體諸身而求實得於己也如不然將汎然讀之何用凡讀書人皆宜奉此以為訓也

光緒三十年十月初九日

第四百六十九册

本局開設天津河北獅子林

## 本册目錄

宮門抄

奏議 署蘇撫端一件 ○

晉撫張一件

文牘 本省一件

畿輔近事五則

日俄戰紀(二六九)

新聞 各國六則

圖畫 孔廟第四圖

學報 殖民政策條議 ○

合金略說 ○ 科學叢錄

三文編三集  
五集各一

敬啓者本局奉 督憲札飭編印直省同官錄所有應行填寫三代履歷業經刊刷格式分別移咨轉行在案迄今日久多未彙送前來本局限年內出書必須於十月彙齊各府廳州縣如有尙未填送者請迅卽照式填寫三代履歷或逕寄本局或詳由本道轉送幸勿再延禱切盼切統此布 聞伏惟 台鑒 本局謹啓

本局經收報款清單 本局報價自癸卯年正月起截至本年十月初五日止所有直隸府廳州縣未清各款均分季注明以備查核續收之款隨卽更正其已交本年報價者亦分別注明統此布聞

欠癸卯冬季報費

- 南 宮五十四兩
- 西路鹽一兩二錢七分六釐
- 灤 州四十五兩
- 豐 潤十二兩三錢另八釐
- 永 年六十兩
- 肥 鄉三十三兩
- 隆 平二十三兩
- 唐 山二十六兩
- 豐 寧 六兩

欠秋冬兩季報費

- 鉅 鹿八十八兩
- 欠冬季加派併臘月報費
- 易 州三兩四錢五分
- 武 清二十兩
- 大 興十七兩
- 長 垣三十七兩五錢

欠八月至臘月報費

- 良 鄉四十九兩
- 房 山三十八兩
- 欠臘月報費
- 永 清九兩五錢
- 靈 壽十兩〇三錢三分
- 新 城十二兩
- 平 谷十二兩
- 井 陘十三兩
- 欠閏月報費
- 灤 平三兩 南 樂三兩

欠九月報費

- 承德府二兩 臨 榆十八兩

欠十月報費

- 清 豐八兩

欠八九月添報二分報費

- 成 安三兩

欠四月添報六分報費

- 高 陽三兩

欠六月至冬月報費

- 懷 柔三十六兩

# 宮門抄

十月初七日

理藩院

光祿寺

八旗

兩翼值日無引

見

興伯假滿請

安

召見軍機

## 奏議錄要

署蘇撫端奏清查荒田定章招墾切實籌辦各情形摺

奏爲蘇省清查荒田定章招墾切實籌辦各情形恭摺具陳仰祈

聖鑒事竊查田賦一項乃 國家

維正之供蘇省地處膏腴賦入素稱繁富自光緒二十五年清賦以後州縣既無喫荒之術紳戶亦鮮抗租之人然猶不能實徵及額者則以報荒之田較多而查荒之法未盡也現計蘇屬四府一州荒田荒地不下二百餘萬畝以鎮江蘇州爲最多常州次之而松江太倉爲最少大抵荒田之數有實荒虛荒之不同實荒約分兩層一爲版荒卽歷年豁除糧賦之田畝其中有不可耕者如義園荒塚挖廢坍塌皆是餘則高下崎零功不易施者亦所在多有一日災荒則熟徵數闕歲無定數者是矣虛荒亦分兩層有已徵之荒如豪家巨室不完全漕則以熟報荒者有之冊書經造得賄舞弊則以熟列荒者有之漕書戶書侵挪私蝕藉荒彌縫保社甲總勒佃廢耕藉荒隱射者又有之凡此皆弊在業戶胥吏者也至於未徵之荒則有因兵燹以後載籍無存業戶自有以多報少者有客民開墾未經丈量約略開報者又有零星小坵隱匿不報或一墟兩坵報甲不報社者此弊在業戶佃戶參半者也實較虛荒常居荒中之多數弊混既深鈎稽不易巨紳猾吏相迫使然各州縣固不免依違其間亦實苦於無從下手惟值此時艱餉絀之際此等國賦正款萬不容稍存隱忍不事清查蓋不獨別項誅求恐傷民力抑且使財賦所出之地荒熟永

北洋官報  
遠難糶廢棄可惜墾闢無從未免有傷政體奴才與司道熟商惟有先定墾荒章程以爲擠荒地步其法先查各屬歷年報荒田畝定爲版荒由農務局提出招墾其餘新荒皆令報荒之戶指實荒地之所在准其報明豁糧由局一律招墾若本年災荒則應由各州縣於秋勘案內勘實成數或徵九減一或徵一減九總以不使全蠲錢糧與版荒相混爲要領並於版申內載明減數數目俾民間得咸沾實惠而招墾時不難稽查虛荒似可擠出大半至零星小坵隱匿之數如欲清釐非澈底丈量不可擬俟招墾辦有頭緒版荒實數既有大宗可查然後追求小數則事前庶免紛擾屆時亦易於鈎尋丈量一層從緩再議其開墾章程則分別官荒民荒土佃客佃及繳價升科各條務使便民隨時通變蘇省物力既厚農功亦勤儉能加以考求不難化瘠爲腴易穢成沃此又地利人事更迭爲用不宜失圖者也其餘未盡事宜俟開辦後體察情形再行斟酌辦理所有清查田畝定章招墾切實籌辦各緣由理合恭摺具 奏伏乞 皇太后 皇上聖鑒謹 奏奉 硃批戶部知道欽此

晉撫張奏議裁地方鹽務各官缺摺

奏爲遵 旨議裁晉省地方鹽務各官缺謹繕清單恭摺仰祈 聖鑒事竊准吏部咨光緒三十年

五月二十七日奉 上諭朕欽奉 慈禧端佑康頤昭豫莊誠壽恭欽獻崇熙皇太后懿旨現在

物力艱難自應力除冗濫用資整頓前已疊降諭旨飭裁冗員浮費而內外因循瞻顧未能實力奉行茲特嚴申誥誡凡京外各項差缺有應行裁汰歸併者著各部院堂官及各將軍督撫破除情面認真釐剔奏明裁併等因欽此仰見 聖明綜核名實力戒冗濫之至意跪誦之下欽悚莫名當經欽遵轉飭司

道查明晉省各項官缺情形切實辦理茲督同司道核議除道府州縣各官均有地方之責無可議裁外計佐貳雜職冗濫可裁之員凡同知通判直隸州州判布照磨縣丞主簿巡檢驛丞鹽巡檢等共二十九

缺另開清單恭呈

御覽臣維設官所以治事今地方政事一切責成州縣每一州縣佐雜或至三四

員官多祿薄反仰給州縣津貼其不肖者更不免需索地方州縣既須潔己奉公兼須周卹僚屬晉省缺分瘠苦實已竭蹶不遑將令砥礪廉隅必先裁減靡費臣到任後卽飭所屬各官不得收受門包等項現又將州縣向有致送各官幕節餽遺一切通行禁革伏讀

諭旨所謂裁汰冗員浮費蓋有相因而

適相成者况今款絀時艱晉省奉派練兵經費籌解銀十萬兩之外幾至莫展一籌佐貳雜職等缺掙節雖屬無多而集腋成裘卽如太義同知及鹽巡檢三缺缺分較優挹注茲於餉需不無小補且地方少一冗官則凡有不肖之員及藉官婪索之弊不禁自除休養生亦不外此臣愚尤有違者今日之患在官多而才少蓋人知得官之易急於謀生者甘小就而昧遠圖祇以官爲身家之謀而不知職守所在誠能汰除閒冗使知得官較難而爲官又復不易舍勵志嚮學之外無可違身庶幾爭自濯磨於造就人才裨益尤非淺鮮至裁缺各員應請照例歸裁缺卽用班有升階者准其呈明歸升階補用布照磨應以對品之缺補用鹽巡檢無缺可補准歸地方一體補用同通祇裁三缺尙有地方鹽務同通十四缺仍於候補人員不致向隅所有議裁晉省地方鹽務各官缺緣由除咨政務處吏部查照外理合恭摺繕單具陳伏乞

皇太后

皇上聖鑒訓示敕議施行再各項局差臣於到任後業經裁併無可再減合併聲明謹 奏

奉

硃批政務處吏部議奏單併發欽此

謹將晉省所屬佐貳雜職及鹽務各缺酌擬裁撤繕具清單恭呈

御覽 計開 擬裁同知一缺

潞安府太義同知

擬裁通判二缺

平陽府通判

汾州府礦口通判

擬裁州判二缺

代州直隸

州州判

絳州直隸州州判

擬裁照磨一缺

布政司照磨

擬裁縣丞三缺

陽曲縣縣丞 大同

縣縣丞 長治縣西火縣丞 擬裁主簿一缺 陽曲縣蘭村主簿 擬裁巡檢十二缺 汾陽縣冀村  
巡檢 永甯州柳林巡檢 應州安東衛巡檢 渾源州王莊堡巡檢 山陰縣岱岳巡檢 右玉縣威  
遠堡巡檢 右玉縣殺虎口巡檢 沁水縣端氏巡檢 和順縣八賦嶺巡檢 靜樂縣婁煩巡檢 河  
曲縣河邑巡檢 隰州廣武巡檢 擬裁驛丞四缺 太平縣史村驛驛丞 鳳台縣星朝驛驛丞 平  
定州柏井驛驛丞 壽陽縣太安驛驛丞 擬裁鹽巡檢三缺 長樂司鹽巡檢 壺關司鹽巡檢 鹽  
池司鹽巡檢 以上統計共裁佐貳雜職及鹽務各缺二十九缺奉 硃批覽欽此

## 文牘錄要

正定縣辦理學堂工藝等情形稟並批

敬稟者竊卑職皖江下士諸事未諳仰荷 提撕委署今職宜如何矢勤矢慎以上報 鴻慈卑職抵任  
後見夫民情樸厚詞訟無多雖卑縣爲十一省通衢差務往來公文絡繹而終朝辦理究竟事多循舊無  
補時艱惟查地方諸要政均多未辦不得不振刷精神次第舉行以仰副 朝廷望治之心 憲台圖  
治之意查小學堂爲當今最要之務卑前署縣高故會雖於本年四月間報明開學而學生多未及格未  
免名實難符卑職到任後隨出示招考另行錄取及格者二十名所有功課程度皆合定法其不足人數  
再由卑職續行招考當經報明學校司查核在案卑職以無業游民最爲地方之害卽如乘機搶竊皆由  
凍餒使然而所以致凍致餒實由無業至此夫無業游民本在四民之外卑職身膺民社尤宜兼施教養  
化秀爲良俾押內各犯暨游手好閒之人均不致偷竊爲生身罹法網卑職現已籌集經費置備傢具機  
器擇其與衙署相近之處設立工藝局一所令押內情輕各犯暨游手好閒之輩一體收入局內責令學  
習織帶織布織毯編筐織洋毛巾等件一面妥擬規條六則使局內各犯恪遵條諭各勤其業不准稍有

喧譁現已聘得教師一名司事一名其局內一切事務統由卑縣典史潘錫成督辦不准各犯怠惰如違懲處所有火食零用等項已由卑職捐廉試辦暫敷局內之用惟目下屋宇無多人數亦少應由卑職籌足的款再行逐漸擴充將來各犯三年藝滿取保回家彼時每名擬給與機器或傢具一件俾回家有業可執不至仍流爲匪已將此層擬入規條內使各犯寓目得以曉然於三年限滿後回家手藝果然純熟機器毋庸自購溫飽有資無虞窮苦不特可以安局內各犯學習之心且使局外之游手好閒者聞之皆願爭入局中習藝以爲後日餬口之謀現在一切業已辦齊於本月十六日開局一面出示曉諭並每日派役看守不准閒雜人出入以免滋事而重局規此外尙有蒙養學堂係初學之基礎實目前之要圖卑職現已督飭勸籌擇地興辦至巡警一事尤爲富強之基安民之本現擬參酌保甲辦法或損或益必須斟酌盡善於地方大有裨益方不致有名無實迨一二年後全行改爲警察尤爲易如轉圜現在正值籌辦一俟辦有端倪卽行次第稟報除認真分別督飭辦理以期事歸實濟歎不虛糜外所有卑縣辦理學堂工藝局等各情形並開局日期理合詳細稟呈 宮保查核

督憲袁 批據稟已悉仰卽認真辦理務收實效工藝局應將罪犯與游手隔別處置庶良民不至裹足至蒙學巡警亦須切實舉行不得以稟報虛文塞責一俟辦有端倪隨時呈核仍錄報司道府學務處查照繳

## 畿輔近事

商部批示○據稟天津設立商務總會公舉甯紳世福實勝總理之任王紳賢實足任協理等情到部查天津商會前准 北洋大臣來咨開送津埠各行商董公舉職商銜名請酌核加劄委用等因本部查照來咨以名次在先之王紳賢實劄充總理在次之甯紳世福劄充協理業經咨覆轉給劄違在案據

稟前因已在該商會總理協理派定以後甫經割委未便遽行更易仰仍就近稟請 北洋大臣酌度  
咨部辦理此批 右仰津郡各行商知悉

普天同慶○初十日恭逢

皇太后七旬萬壽

聖節

袁宮保示諭在津文武官員於是日辰刻

恭詣 萬壽宮行禮已紀前報現各學堂均奉 宮保傳諭放假三天同伸祝賀各街舖戶已自昨日  
起各於門首高張國徽懸燈誌慶

督憲批示○冀州稟貢張廷湘等稟

批吳直牧調署朝陽府業經咨行有案該貢生等何得違例保留

所請應不准行此批

學務處告示○爲出示招考事照得直隸各屬初等小學堂需師甚殷本處現於保定省城設立初等小  
學堂一所招考學生四十名以爲各府州縣之模楷凡有舉貢生員年在二十以上三十以內者著於  
十月十二三十五日赴處報考聽候示期彙試錄取之後邀同保人來處具結取保方准入堂火食  
津貼由堂酌給以六個月畢業分別遣派以資訓迪合行出示爲此示仰投考各生一體知悉毋得臨  
期自誤特示

紀保定師範學堂○保定函云師範學堂近已聘到日本芝本君爲手工教習大境君爲歷史教習永井  
君爲博物教習爾崎君爲東文教習尙有音樂教習未到以上各教習皆日本高等師範教習之專門  
家各月支薪水銀一百八十五兩訂定合同以二年爲滿一切課程悉遵 欽定學堂章程辦理並由  
教育學教習日本中谷君監督考查糞合教授之法而無斷害青年腦力之虞已於本月初一日開課

## 日俄戰紀 (二六九)

西十一月十三號路透電日本國債票現已發售此項借款定於西曆一千九百十一年本利還清並以



關稅作抵

西報聯譯

英文晚報接德京電云俄國波羅的海艦隊水師武員供稱於西十月二十二號晚攻擊北海漁船一案彼時實認爲日本魚雷艇斷不意卽爲英國漁船等語至於俄水師提督如何稟報英京尙未得其詳 又接美京電云日本政府在北美定購鋼板五十車該板厚薄不一有半寸厚者有二分五釐厚者聞日廷擬以該板爲製造巡洋艦及魚雷艇之用 據烟台報告有自海參崴來烟之人據稱海參崴地方現時極爲平靜倘無俄兵駐紮該處則該處人民幾不知將有戰事俄國海軍防堵嚴密聞前在旅順被傷戰艦三艘已一律修整船廠工人極形忙碌船塢防守甚堅禁止閒人出入故該塢情形未能詳悉附近煤礦已由俄人竭力經營每日出煤多而且佳該處郵局照常遞寄往來信札歐美二國人民僑居此地者尙無危險之處海參崴城既占天然地利而俄人又特於砲壘城濠隧道數端加意布置港外滿布鐵網地雷港內悉埋爆藥炸彈其防禦力不可謂不厚矣◎益聞西報接西十一月十三號德京電云日本駐英公使謂英報所載煤斤一物不在戰時禁品凡英商運售煤斤亦不得謂爲破壞局外公法英泰晤士報嘗謂英製造廠有接濟日俄兩國戰時各件蓋凡有益工商而無礙中立者英政府必竭力維持以保護該國之商務

## 各國新聞

●路透電報 法國首相康培氏已擬議政治宗教分爲二事之案(西十一月十二號)○法國上議院已允准法大臣德而克史所擬英法條約聞投票者共有四百三十六人(西十一月十三號)

●長崎新造第三船廠 日本報云日本近在長崎建造第三船廠其塢中能容長七百十四尺之船至該處舊有之第一船廠塢中祇能容長五百十尺之船第二船廠塢中亦不過能容三百五十尺之船此廠可稱東方之巨擘矣

●日本全國財產價值 東京函云日本銀行近調查全國各種財產價值如左 地價七千兆圓 家畜牲口一千九百兆圓 家具四百兆圓 航海商業二百五十兆圓 各種營業三百兆圓 礦務四百兆圓 鐵路電線業二千五百兆圓 通國現存金銀貨二百兆圓 其他各物八百兆圓

●紀英國新戰艦 英國新造之戰艦歐白內亞號排水量一萬六千五百五十噸（合載煤共一萬七千六百噸）爲一千九百零四年下水各艦中最大之艦中有十二寸徑砲四尊九寸二分徑砲四尊六寸徑砲十尊長四百二十五尺闊七十八尺按一千八百零四年曾有同名之一艦下水至今適值一百年該艦在當時已稱最大其排水量不過二千四百九十三噸長二百四十一尺闊五十三尺中有三十二磅二十四磅十八磅及九磅彈砲共一百三十尊

●馬哈那夫遺著將出 俄國故海軍提督馬哈那夫爲世界最著名之海軍戰術家不幸於旅順之役其旗艦誤觸水雷與艦俱殉各國聞耗舉痛惜之日本軍艦且下半旗以誌哀悼聞馬氏生平著述甚富近有人發其遺篋得稿數十種事聞於俄廷已命其家屬購領版權公之天下現由某大佐悉心編訂行將出版世之知其人而渴欲一讀其書者不知幾何人矣

●郵局用貓 英文晚報云美政府以郵寄珍貴之物往往爲鼠所傷近特選購良貓三百頭分派各郵局爲捕鼠之用每頭歲支食肉價一金鎊至八金鎊不等



圖 四 第 廟 孔

勢使然自不得不移居於未開之地。遣其民至海外經營事業。自一國之經濟上世界之經濟上以觀。俱有所利益者。而此輩在本國不過為普通之消費者。一旦至殖民地。則為本國貨物之重要消費者矣。又廣布本國之言語文學技術學問及本國之觀念於殖民地。建第二本國。使同種人日益繁昌者。亦殖民之效果也。

### 第三 關於殖民道德之反論及不得殖民於熱帶之說

或曰。人在鄉黨之間。為習慣法律及社會制裁所束縛。常不敢為非。一旦至海外。以人皆不我知其舉動。往往有出於不德者。於單純旅行者之中。已屢見不一見矣。彼白人之殖民於未開之地也。常以無社會制裁之故。殘酷暴虐。無所不至。西班牙人行於美洲之暴舉。迄今學者猶非難之。西班牙之殖民地一敗塗地。固其所也。職此之故。所以世之悲觀者流。日以攻擊殖民事業為事。雖然。悲觀派之言誤矣。土人之風教文化衛生等。非於殖民以後頓改舊觀。收至大之效果者乎。此皆可以殖民歷史證之也。

或曰。熱帶之地。不可以居文明人。雖然。據統計表。以觀斯又誤矣。方白人始至熱帶之日。衛生之術。遠不如今。所以死亡相繼也。今則決無其事矣。請舉例以證之。千八百三十七年至千八百四十八年。法國殖民地亞魯西愛利之死亡者。實千分之七十七。今則不過千分之十一。乃至十二。千八百八十一年。酒尼斯之死亡者。實千分之六十一。今則不過千分之十二。千八百九十一年。法領安的由之死亡者。實千分之九十一。今則不過千分之十八。乃至二十二。千八百六十一年。交趾安南之死亡者。實千分之百十五。今則不過千分之二十二。千八百三十二年。至千八百四十七年。塞耐加魯之死亡者。實千分之百四十八。今則不過千分之二十八。千八百十九年至千八百二十八年。和領印度之死亡者。實千分之百七十。今則不過千分之十六。千八百五十年。香港之死亡者。實千分之九十五。今則不過千分之二十四。千八百年至千八百三十四年。英領印度之死亡者。實千分之八十四。今則不過千分之十八矣。

（十）此兩種金屬相加而為合金時。吸收熱。故溫度下降。

（十一）

（十二）

（十三）

銅十方鎔之錫

此四種合金。相加時俱生熱。故溫度上昇。此外又有發熱極少者。非極精密之溫度計。不能測知也。

又錫鉛鈹各等分。加水銀八分。則能使攝氏一七度之溫度。降至攝氏零下一〇度。故利用其溫度下降之性質。有時亦可作生寒劑用也。

凡各種金屬之極細粉末。加大壓力。即能合成一塊。其所需壓力之度。各如左。

鉛 一三噸（每一平方英寸之壓力）

錫 一九噸（全上）

亞鉛三八噸（全上）

銻 三八噸（全上）

鈹 三八頓（全上）

鉛 三八頓（全上）

銅 三三頓（全上）

又鉛如加壓力三三頓則成液體流出錫則爲四四頓。

依上理斯拍林氏即推得一法以爲金屬之細末既壓之能爲一塊則以此法製合金亦無不可因此而求一實驗之結果如左。

鈹 一五分

鉛 八分

錫 四分

鎳 三分

依上配合量先以上類金屬之細末混合壓之使爲一塊復取出之而挫爲粉末再壓之使爲一塊如此反復行之務使其金體均一則其所得之合金與第一法所製者無異也。

除上二法外更有所謂電合法者如黃銅青銅綠金暨他各金銀銅之合金俱可以此法製之現今之電氣冶金學皆應用此理者也。

而異其用。又以制用之不同而異其機。或金焉或木焉或鑿焉或削焉。蓋其種類萬千。尤僕指所難罄者。然而綜其機樞。曲折以彙別之。則螺旋也。箭桿也。齒輪也。楞軸也。盤簧也。錐杵也。槽規也。活瓣也。橢圓之輪也。弓字之輪也。參差之撐桿。曲折之搖柄也。錯綜配合。以是制用而不窮者。是雖萬殊焉。而胥歸一。致者也。是以鍋鑪者。汽力發生之母。由鍋鑪之力。而蓄之以引擎飛輪。由引擎飛輪之力。而傳之以滑車革帶。又由滑車革帶之力。而致之於機牀機架等。機牀機架等者。汽力集用之地也。今使徒號於國之人曰。馬力也。汽機也。則一廠之中。輪軸萬千。一器之間。樞機叢錯。亦無怪乎瞠目結舌。莫知所由已。至若別其所屬。釐其所用。區類而脈之。條舉以詔之。曰若者為原動力。若者為制用器。若者為蓄力傳力之具。則雖以至愚者。臨之當亦不待煩言而自解矣。又使號於國之人曰。是鍋鑪也。是引擎與飛輪也。是滑車與機牀機架等也。而徒觀乎構合之外量。不示以體積之內容。則亦僅見夫鍋鑪之氣蓬蓬然。引擎飛輪之勢趨趨然。滑車之輪轉轉然。機牀架具之屬蠕蠕然。其奧曲不解。其規矩不知。亦無怪夫以為神妙不可測度者。至若支而節之。剖而解之。離析而研審之。表裏而通測之。則自知若者為甲。而若者即甲之所由成。若者為乙。而若者即乙之所以立。若者為丙與丁。而若者又即丙與丁之所以相構而合。此雖以三尺童子。富於記性者。為之當亦知則效而師法之。非難事矣。故夫中國之於馬力汽機。音惟重視之。驚



異之。以爲絕業之不可幾及。遂終以自阻。苟一破夫自棄。自諉之陋習。則因之易者。非若創之難。人能之。我何不能。如吾所說者。斷斷乎然也。且吾昔供役於製造之局者。閱五稔餘。其機器製造之能力。與工藝制作之程度。嘗攷之詳而知之稔計。其中廠舍。凡十四處。關於機器製造之事者。十二區。除槍砲彈藥四廠外。曰機器廠。（向爲脩理及做造本局各機器諸事。）曰煉鋼廠。（向煉西門塞鋼。以鑄槍砲。暨引擎飛輪鋼盂。並輪船機軸鋼板等物。近年所鑄飛輪。有面徑至丈九尺者。）曰鑄銅鐵廠。（向鑄造槍砲銅鐵各機件。及其餘機輪等物。）曰熟鐵廠。（向打造槍砲機器各零件。）曰木工廠。（向製新出槍砲汽機輪船車架等器模型。局中凡仿造新器。先將原器分拆。由畫圖房將機身零件。及附屬品。一一照樣繪圖。注明尺寸。隨至木工廠。照圖製成木質模型。尺寸大小無異原器。然後至鍊鋼鑄鐵等廠。照木模型構成砂模。澆而鑄之。即俗名翻砂是也。鑄成後車磨之構合之。槍砲等則至槍砲廠。輪船等則至輪船廠。機器等則至機器廠。）曰輪船廠。（向造砲輪機船等。）曰水雷廠。（向造浮碰沈各雷。後停造。今造槍砲火門拉火。及電引擊火等。）曰鍋鑪廠。（向造砲輪及廠用各種鍋鑪。又大砲汽架試驗汽力機等。）關於教授學習製造之事者。二區。曰畫圖房。（專畫槍砲機器輪艦諸圖。定章兼擇聰穎匠童。入而肄業。授以算繪兩種專門學。學成使入機廠實練。以爲異日工師匠作之選。立法實佳。惜後之主局事者。不

文學生三十人。武學生二十人。派赴東瀛。分研其政藝教育軍備之方。此則晉省之創舉。而吾國之大幸也。使者以天子命。視學此邦。與有興土化民之責。際茲盛舉。忻忭無量。竊願法古者贈人以言之例。敬爲諸生告焉。學問之道。無窮盡亦無方體。師人之長。乃足以補我之所短。昔者彼得變法。乃游荷蘭。暹儲愛國。遂歷歐土。日本三十年維新。大抵皆伊藤山縣榎本陸奧諸人游學歐美之效也。諸生具有國民之資格。高尚之志趣。丁此艱難時局。自非開拓智識。磨礱世務。不足以仰副育材之盛心。今既應命赴東。當道之所期許。父兄之所希望。至爲重大。諸生宜勉益加勉。奮益加奮。本其愛家愛鄉之思。以深其愛國愛君之念。艱苦卓絕。務洞悉彼中學校之肯綮。軍國之精神。而後已。將來學成返國。上之輔佐清時。贊襄新政。有棟樑家國之功。次之整軍經武。禦侮折衝。有滄洗國恥之略。下之裨益學務。以圖教育之普及。亦不失爲開通明達之士。則所以報國家利民人者。豈其微哉。抑使者更有進焉。文學語言風俗。爲一國命脈所關。所以表明一種之特性。以自異於他種者也。三者有一滅絕。則其國不待人之蹂躪。而種已先亡。日本當維新之初。嘗取極端之歐化主義。施之教育。大和民族。幾全變爲歐風。洎名家輩出。乃兼取國粹主義。以相調和。故有今日之文明。吾國文學實國粹也。國學不深。卽偶得一術一藝於世。何濟。蓋無歷史之觀念。以激發其熱誠。而增長閱歷。外來之物。不過僅爲其歆羨具耳。諸生日與彼都人士

相往還。相過語。所望志意堅定。取國粹主義。而以保守爲進取。則吾國之學不亡。卽吾國四千年之聲名文物。可以長保。若徒剝襲皮毛。摭拾一二新奇詭異之論。以驚駭流俗。而於政教宗旨。反覺譬如。既損現在之名譽。復阻後來之進步。則非使者所樂聞也。諸生勉旃。

商部尙書振貝子實業學堂演說（錄商務報）

今日爲學堂開學之期。本爵有數言。爲諸生告。蓋學也者。所以學爲忠與孝也。以古人制字之義而論。教字左旁從孝。學字中間父字子字。卽古篆文孝字。故教者非孝無以盡教之義。務學者非孝無以爲學之初基。移孝乃可作忠。孝親忠君爲人生天地間第一要義。天下惟忠臣孝子。而後能任天下之大事。方今學界競爭。波譎雲詭。一二狂妄之士。倡自由平等之談。不復知自保其國粹。至欲胥君親大倫而廢之。詖淫邪遁。其弊不可究極。故今日學堂宗旨。宜以闡明忠孝二字爲本。諸生務須於人倫道德之誼。切實自省。返躬實踐。而後能由體達用。儲爲國家有用之材。須知凡人宜立志爲轉移風氣之人。切不可爲風氣所轉移之人。幸勿叫囂自恣。沾染近來習氣。是所深望。抑本爵更有進者。西國學堂程度之高。由於有專業。中國學堂教科之雜。壞於無專業。有專業則虛者皆實。無專業則實者皆虛。實可以包虛。虛不能敵實。今學堂既崇實業。是宜顧名思義。事事務實。切勿徒滋空議。而於講求實業之中。尤須處處務探其本。譬之講算學。宜默察盈虛。研

天文坐卦等鐘以及金銀火金銅鋼等表約有二百餘定並各樣表鍊金銀珠寶鑽石戒指耳墜鑲子表鑲大小八音盒並留聲話匣單雙桶千里眼磁關磨花穿衣鏡梳妝洋鏡大小皮包法國洋號又新到轉盤換調話匣八音盒價值格外從廉仕官商光顧者請移玉紫竹林法租界本行面議可也

本行主人謹啟

# 戒煙香片茶葉

天津鍋店街錦文齋南紙局代售

本齋謹啟



## 止咳散

能治咳嗽 外感內發 無論輕重 立見神效 兼治痰喘 肺癆等症

婦科百症 百發百中 至親骨肉 須知本行 有此神藥



## 癸汁

立止牙痛

## 清睛水

靈藥眼科

## 二掃光

疥癬立治



## 如意水

將此兩藥 內外並用 舉凡淋症 無不立愈

# 滋養葡萄美酒

啓者本公司擬製宣化葡萄美酒前已運銷告竣蒙中外官商交相推許味甘色美與泰西名釀無殊本公司精益求精不惜工本製造加料極清頭等陳酒批運至天津保定各處分售貨真價廉冀廣銷路以供雅賞如承賜顧請至北京觀音寺華英同德福大欄恒義天津宮北寶源亨保定慶興陸零壹批發不悞此佈 上谷美酒公司謹啟

# 天 袁字山房

本房新刻官板御批通鑑輯覽計五十八本做八函仿殿板校對無訛現今通鑑鉛石印日出不窮書內舛錯甚多之弊已蒙海內士商購者特登報章各省學堂委員來人或寄信來津或用粉運紙毛邊紙大毛太紙等書若干定期不悞昭了料出售自運尚務學天文地理教科書並木板經史子集代士商攬刻木板石印刷裝訂收買舊書無不備齊購者格外從廉 針市街便是 本房主人謹啟

# 浙 杭 范永和綢緞南貨局

開設天津北門外鍋店街自置綢緞洋布桂油香貨東西洋貨胡桃篋子木梳南貨一概發客貨真價實言不二價 惠顧者移玉是幸

# 元 隆 綢緞洋貨莊

開設估衣街中間路北大堵門面自置綢緞紗羅羅縐各種錦緞花素衣絨新式開杆各種壽衣新花洋氈斗蓬花素線緞閃花羽緞各種布疋零整發售現銀交易格外從廉以昭久遠 謹白 寄售滄州井南前街 盧細茶皮絲水個加買大小皮箱等類

# 天 瑞林祥元記

本號開設(北京前門外鮮魚口外)(天津估衣街中間路北)(山東濟南府院西路北)等處自置綢緞洋貨顧繡粧蟒花素貢絨粧緞以及京廣什貨織絨綾貨各色俱全貨高價廉劃一不二中外 紳商賜顧移玉是幸

# 東 綢緞洋貨莊

瑞林祥元記具

# 商務印書館出版各書

## 侯官嚴幾道先生新英文漢詁

十年以來吾國討論西字者日多有志之士慮譯本或失其真常欲從其文字語言認真下手而不安淺嘗如前之僅資侍者買辦

市井口談而已此可為吾國學界深賀者也但師資難得而置身莊嚴又非其大力而裕於時日者不能舊說精通西文非十年不辦則無怪有志未逮者多向洋而歎者衆矣侯官嚴幾道先生深得中西文字三昧年來譯者大抵典冊高文以為衆人所不能為自任故於文法一事薄不肯為近者從游高足諸公謂先生必纂一書以為海內學英文者向導教誨函乃以半年日力撰成是編由淺而深自審音論字至造句析辭點頓而止用旁行式英漢開出無疑不析無例不條遇與中國詩文可互相發明者輒旁證曲喻凡就中國學者所難通者尤必為之反覆而明辨蓋作者不獨以己之昭昭啓人之昏昏也以辦理學堂典司教育日久洞見癥結深悉初學之所疑難故能懷心貴當如此是誠西學之金針而學界之鴻寶也洋裝一册價洋二元

○再版群已權界論 洋裝一册 再版社會通詮 洋裝一册 羣學肄言 每部四本 價洋二元

○原富 每部八本 價洋二元八角

○天演論 每本價洋二元

○商務印書館華英音韻字典 每部四本 價洋二元

○商務印書館華英字典 每部一册 價洋一元二角五分

○商務印書館華英字典 每部一册 價洋一元

○商務印書館華英字典 每部一册 價洋一元

○商務印書館華英字典 每部一册 價洋一元

○商務印書館華英字典 每部一册 價洋一元

○商務印書館華英字典 每部一册 價洋一元

○商務印書館華英字典 每部一册 價洋一元

○商務印書館華英字典 每部一册 價洋一元

## 天謀得利洋風琴音樂公司

本公司創設在中國南北兩洋已有三十餘年矣專辦英美德法諸國頭等名廠新式樂器大小洋琴風琴八音琴等具琵琶絲絃管笛中外各軍營所用馬步鼓號等器及德勝大小鼓號現中國軍營由本公司購辦者甚多本公司並有頭等洋工匠修理洋風琴音樂機器等物刻有英美各廠託本公司一家經理美仙核牌美坐狗牌均擬本公司承辦批發別家賣者均由本公司購去此式樣轉片唱戲留聲機器比前次轉筒大不相同而且準保永遠不壞其音唱出高過戲台之聲特請中國各省頭等名角演唱京調崑腔山陝梆子二簧時調小曲洋器一應俱全承蒙中外官商所信批發零購價廉物美 天津紫竹林英領事街九十七號本公司面議可也 出租租賃各樣洋風琴等 英商謀得利音樂有限公司謹白

## 新開北京作新社分局廣告

本局在上海延聘中東專門學家編譯普通專門各教科書久已風行海內蒙京師大學堂及地方各學堂採用茲因輸入文明于大陸在北京琉璃廠東門內開設分局批發零售俱照滬例且上海各書局出版新書無不齊備如蒙各處官立私立學堂賜顧均可原班回件



橫 濱 正 金 銀 行

本銀行向在日本開設二十餘年資本金洋二千四百萬圓現收足金洋一千八百萬圓公積金八百五十萬圓專做仕商匯款押款存款借存利息格外公道存款最便短期利息酌爲優待惟比他行加厚總行設在橫濱又東京神戶長崎英倫倫敦法之巴黎美之紐約舊金山漢及布哇孟買華則香港上海牛莊北京等處皆有分行凡通商口岸皆有妥實代辦之業倘蒙 仕商欲匯款存款者請至本銀行面議可也特此佈告 天津紫竹林支店估衣街分行 謹白

本 報 代 派 處

各省郵政總局分局均認定代派本報凡由郵局訂購者不取郵費

北京琉璃廠橋西路北

公慎書局本分局

天津石橋胡同後齊佐

周○鄉祠南李茂林

保定城內西街本分局

○官書局

開封南書店街本分局

南京東牌樓慶昌

錦州同益分報館

濟南官書局

漢口鎮日報館

南昌府城派報處

各州縣驛遞不在此例

天津	開往	京榆	火車	時刻
到山海關	早晚	到北京	早晚	晚
六點	六點	六點	八點	六點
二十	二十四	三十八	三十二	三十二
五分	五分	五分	分	分
到	到	到	到	到

日八初月十

赤金三十七兩一錢五  
銀元合公法平銀七錢一分九釐五  
化寶銀合九七六津錢二千三百七十五文  
銀元合當十銅元八十四枚

輪船出口日期

十月初九日

海晏 往上海 招商局

連陸 往煙申 怡和行

均由紫竹林開

西歷一千九百四年